

聲惟時中與弟子程文親聞筆記也初階之士宜進進無退當次第獨得傳宗矣苟執心不專耽酒嗜色者不傳也傳宗也非仁德君子慎勿傳
无上玄元三天玉堂大法卷之二十八

无上玄元三天玉堂大法卷之二十九

祈真度厄品

師曰祈真者告斗法也斗為天上喉舌之司凡世人罪福窮達壽夭莫不由之故有上天譴責下鬼訴誣塚訟徵咻先亡復連等事有一于此禍患隨之輕則所患輕重則所患亦重若非行急告之法易以感通雖積香成山羹煙彌世則不能通達感格也故格言有曰已性如火法猶硫黃觸之則應亦猶是也斗法雖甚多小兆初階未易區別人冗志亂曷能清一也今特以急告祕章具于斯品宜按行以誠則真格天兆凡朝斗祈真其權在擎陀二使此二神專一點檢黜壇精潔若不虔誠此神奏報上真不降又掌世人罪福生死專在九皇夫人內妃玉女應奏章是此神通達若不存降則章奏不達徒勞修設又通進玄司請降恩命專在四直使者九皇靈官綉衣使者通事舍人若不存降則真誠不達擎陀不降則帝真不知徒費香花不能照應


又兆犯淫穢食葷辛心念不清身形不潔雖召真吏亦不降格四司糾過罪至不測謹之

兆朝斗不得近屠宰酒肆閨市淫室當在虛堂大宇宮觀最佳不得犯觸忌哭聲近僧尼入壇法師忽衝見僧尼尸柩雞犬貓孝子白布衣人如或在壇有之並不降不應

兆存運之時不請炁則真不應不服符則身不靈不存神則真不降須在炁合神交精通內感候忽昭格如接語言昔唐有水部郎中張說居于雲水生子九歲不能言後構張水部祠下張水部乃張判官也祭于下山神忽降言曰汝生子時有觸犯斗府可急告之蓋神昔事斗有祕法甚簡傳付張說位至宰相有祕法埋句曲大峯之顛今大教興行此法出世兆宜秘之
先告斗當用淨簾四領茅花結盤七枚每一枚如楮大淨茶七甌粟湯七盞油餅七楮果七釘香七爐燈七盞面北祭之時兆


膝行至每星七拜密禱所告之事以急奏
狀烈火焚香爐中次北入室存想心拜九
拜符五織出五色炁想成金橋接空界見
斗府七宮皆金樓玉殿良久見綉衣使者
引過橋迤邐見紫雲路中見九皇品官未
衣方心曲領九梁冠引兆登陞入本屬星
殿奏事但見金光不可正視兆奏事畢繞
見紅光便為允奏即從舊路歸入妙門良
久嚙液叩齒退

化壇符 變符誦呪存地湧
出玉局第一層



呪曰

清清靈靈真炁掃氣空玄真像玉局一層神
炁接降朝拜高尊



太虛無象雲路清平二層玉壇隨心化成妖
氛寂靜入道安寧

呪曰




呪曰

真光欲降玉局三層空玄有象衆妙之門請
仙仙至降聖臨誠心所感斗極降靈

右飛三符存化玉壇三級紫雲高升空中
有金光接斗極

次焚驅魔符 朱書飛去大誦文
四維冥水誦呪



呪曰

太上清道役使天兵驅龍駕虎擲火流鈴雲
路蕩滅罡風鬼羣真火前戮戈戟後刑敢有

不順斬首屠形鬼妖寂靜迎降高真


焚騰報符 照文朱書飛二道存等陀
降復存等陀外天存等陀
再拜此



呪曰

天守炁清護兆飛神祈得請使兆通靈二
真騰報速遂願心

存高真降世符 斗訣飛七道並朱
書然後焚懸告狀



呪曰

玉帝賜臣許臣祈真今日吉慶心香上升七
真來降治病除精降福消災願保安寧
師曰凡人疾苦患難奚暇拜章奏表蓋
事急所以行急告之法當於簡易求真可

也法常用輕黃紙一尺二寸高六寸細書
兆街位其事由不得過一百字並用朱書
寫畢作八摺又作四摺用封角只題云小
兆臣某謹奏謹封差斗中直事功曹齋傳
焚烈火香爐中但令煙猛勿令焰起一西
存拜煙過收壇


急奏狀式 依式書紀作作宿宿作四摺烈大焚香爐中生有報

小兆臣某今據某鄉貫某人年月日時建生
見為何事乞求帝真解釋究伏和順年命使
災厄速退得賜平安臣謹為倉卒上急告奏
狀上詣中天北斗某星宮玉闕下伏乞敕命
即賜施行立伺報應臣俯伏壇前恭俟玄旨
師曰此法乃張水部急告茅盤祭斗之法
簡古易行不繁不陋報應最捷與禁典中
符命似同而小異兆可接行不必貪多後
有錄法則禁典終有所屬也

无上玄元三天玉堂大法卷之二十九


无上玄元三天玉堂大法卷之三十
壇頂威儀品

東方七宿玉符羽章 依星舍列理布宿中級之東岸




呪曰

角箕七宿蒸貫青天生育仁功造化大全輔
我飛昇上朝太元




南方七宿玉符羽章



呪曰


南天并軫熖炎之靈長育離明煥赫朱陵鼓
舞生蒸暢我陽神



西方七宿玉符羽章

呪曰

奎參七宿聲應清商皓烝回環劍刃光芒化
育萬寶統攝羣靈



北方七宿玉符羽章

